

ACORDO MARCO DE COLABORACIÓN ENTRE A FEDERACIÓN GALEGA DE DANO CEREBRAL (FEGADACE) E A FEDERACIÓN DE ASOCIACIÓNES GALEGAS DE FAMILIARES DE ENFERMOS DE ALZHÉIMER E OUTRAS DEMENCIAS (FEDERACIÓN ALZHÉIMER GALICIA)

En Santiago de Compostela a 01 de marzo de 2017

REUNIDOS

Dunha banda, D. Luciano Fernández Pintor, con D.N.I núm. [REDACTED] como Presidente da Federación Galega de Dano Cerebral (en diante FEGADACE) con CIF G70191051 e domicilio na rúa Manuel María, 6, 2º, despacho 2, Santiago de Compostela.

Doutra banda, D. Juan Carlos Rodríguez Bernárdez, con DNI núm. [REDACTED] como Presidente da Federación de Asociaciónes Galegas de Familiares de Enfermos de Alzhéimer e Outras Demencias (en diante Federación Alzhéimer Galicia) con CIF G15656739 e domicilio na rúa República Checa, 52, Santiago de Compostela.

Interveñen en función dos seus respectivos cargos e no exercicio das facultades que para asinar acordos en nome das entidades que representan teñen conferidas.

EXPOÑEN

PRIMEIRO.- Que FEGADACE é unha entidade sen ánimo de lucro, que agrupa ás entidades específicas para a atención a persoas con dano cerebral adquirido (DCA en diante) da Comunidade Autónoma de Galicia, sendo a súa misión mellorar a calidade de vida das persoas con DCA e das súas familias nesta comunidade autónoma, así como defender os seus dereitos e ofrecerles a oportunidade de desenvolverlos. Ademais FEGADACE apoiará, promoverá, representará e coordinará a todas as entidades de DCA que estean federadas, sendo coherente cos valores que defende e que definen a súa forma de traballar.

SEGUNDO: A misión da Federación Alzhéimer Galicia é mellorar a calidade de vida das persoas que sufren Alzhéimer e outras demencias neurodexenerativas e dos seus coidadores. Con este fin a Federación Alzhéimer Galicia traballa en fortalecer ás Asociacións de Familiares de Enfermos de Alzhéimer e Outras Demencias (AFAS) galegas e colaborar en xerar cambios na sociedade a favor destas persoas e dos seus coidadores.

TERCEIRO.- Que ambas federacións comparten que as persoas ás que atenden dende as entidades ás que representan teñen importantes puntos en común, polo que resulta de interese para as dúas partes establecer un acordo marco de colaboración en base ás seguintes:

CLÁUSULAS

PRIMEIRA: Finalidade do acordo

O obxecto do presente Acordo Marco é o establecemento das bases polas que se rexerá a colaboración entre a FEGADACE e a Federación Alzhéimer Galicia, para a posta en marcha e o desenvolvemento de medidas de avance e de mellora no proceso de atención ás persoas cunha demencia neurodexenerativa ou DCA e ás súas familias.



A este acordo marco considéranse sumadas as entidades membro tanto de FEGADACE como da Federación Alzhéimer Galicia para a consecución dos fins perseguidos.

SEGUNDA: Persoas destinatarias

As persoas destinatarias das medidas previstas neste acordo serán as persoas con DCA, e con demencia neurodexenerativa e as súas familias, así como os e as profesionais de servizos de atención sociosanitaria (sanitarios, servizos sociais, residenciais, de emprego, de formación...) implicados na súa atención.

TERCEIRA: Propostas xerais de colaboración

Ambas entidades se comprometen a participar e a colaborar activamente nas actividades e proxectos que se acorde establecer e que irán encamiñados, en termos xerais, a:

1. Intercambio de información sobre o perfil e as necesidades do colectivo de persoas con dano cerebral e cunha demencia neurodexenerativa.
2. Promover a colaboración entre os profesionais de ambas organizacións para facilitar o coñecemento mutuo en todas as áreas que se consideren de interese.
3. Intercambiar formación específica en materia de demencias neurodexenerativas, dano cerebral adquirido e atención ás familias coidadoras entre o persoal técnico e directivo de ambas entidades.
4. Promover as alianzas oportunas para o deseño e desenvolvemento de programas e proxectos conxuntos que cumpran cos obxectivos estratéxicos de ambas entidades.
5. Asesoramento e traballo compartido no deseño e posta en marcha de programas de envellecemento activo e saudable, tanto específicos para persoas sas, como para as que teñen dano cerebral e/ou demencia neurodexenerativa e as súas familias.
6. Buscar fórmulas para mellorar a calidade de vida das persoas destinatarias do obxecto do presente acordo, a través de recursos, estratexias e metodoloxías de intervención axeitados e adaptados.
7. Promover accións que contribúan a unha maior visibilización, participación e inclusión das persoas con dano cerebral e persoas cunha demencia neurodexenerativa en programas e servizos da comunidade.
8. Colaboración nas actividades e xornadas de formación, sensibilización e información que se poñan en marcha dende algúna das partes implicadas neste acordo, facilitando a participación dos profesionais especialistas de ambas as dúas entidades e das súas respectivas entidades membro, de cara a promover as actividades, servizos, visión e filosofía de ambas federacións.
9. Promover a posta en marcha de cantas actividades de investigación e innovación consideren oportunas coa fin de coñecer mellor a situación actual e a evolución das persoas con discapacidade intelectual e cunha demencia neurodexenerativa que envellecen.
10. Promover a elaboración, publicación e difusión de materiais (de sensibilización, difusión, manuais de boas prácticas, recomendacións,...) que se consideren axeitados para algún dos grupos de destinatarios deste acordo (persoas con discapacidade, familias, profesionais sanitarios, profesionais de servizos...).
11. Promover a busca en conxunto de recursos que melloren a calidade de vida das persoas usuarias de ambas entidades, e que se axusten ás súas misións, visións e valores.

CUARTA: Protección de datos e confidencialidade

As partes asinantes arbitrarán todas as medidas que sexan precisas para a debida custodia dos datos aos que teñan acceso e á confidencialidade no seu uso, nos termos

que establece a Lei Orgánica 15/1999, do 13 de Decembro, de Protección de Datos de Carácter Persoal.


QUINTA: Seguimento e avaliación do acordo

Co obxecto de optimizar e valorar os resultados do presente acordo, constituirase unha comisión de seguimento, composta por dous representantes da Federación Galega de Dano Cerebral (FEGADACE) e dous da Federación Alzhéimer Galicia. Esta comisión reunirase, con carácter ordinario, unha vez ao ano.

SEXTO.- Vixencia

O presente Acordo entrará en vigor ao día seguinte da súa sinatura e terá un período de vixencia indefinido, salvo renuncia expresa dunha das partes asinantes e cun aviso previo de 30 días de antelación.

O acordo obriga ao cumprimento do expresamente pactado, e as partes sométense ao acordado en todas as estipulacións. Como proba de conformidade, as partes asinan por triplicado o presente Acordo no lugar e datas indicadas no inicio do mesmo.



Asdo: Juan Carlos Rodríguez Bernárdez
Presidente Federación Alzhéimer Galicia

Asdo: D. Luciano Fernández Pintor

Presidente FEGADACE



FAGAL
FEDERACIÓN ALZHÉIMER GALICIA

FEGADACE
FEDERACIÓN
GALEGA DE
DANO CEREBRAL